

Ad Accensos gradum facimus . Accensus ex Pittisco erat minister Magistratum præter lictores , qui illorum dicto , ad imperium , nutumque , præsto erat , & ad concionem Quirites advocabat . Cic . de legibus 11. 24. utantur Accenso , atque lictoribus . Et Sueton . in Jul . c . 20 num . 2. antiquum retulit morem , ut quo mensē fasces non haberet , Accensus ante eum iret , lictores pone se querentur . Et Cicero Frat . 1. 1. Accensus sit eo numero , quo eum majores nostri esse voluerunt : qui hoc non in beneficī loco , sed in laboris ac muneris , non temere suis liberis deferebant , quibus illi quidem non multo secus , ac servis , imperabant . Ex Gravina vero Accensi inter Apparitores adnumerabantur , ut dictum est ; illorumque munus erat accire , quod est excipere Consulis manda ta ; ad comitia centuriata vocare ; ad tribunal Prætoris illos , quibus jus redi debebat , accersire ; & molestis interpellationibus silentium indicere . Varro de ling . lat . Sigon . lib . 2. c . 15 . de antiqu . Civ . Rom .

De Accenso dicitur , quod priusquam Romæ horologia essent , horam esse vel tertiam , vel meridiem , vel nonam ipse clamabat . Varro de ling . lat . v . 9 . , & Plin . 8. 60. duodecim tabulis ortus tantum & occasus nominantur , post aliquot annos adjectus & meridies , Accenso Consulum id pronuntiantे , cum a curia inter rostra , & græcostas in , prospexit set talem solem . Apud quosdam etiam Scribæ munere Accensus fungebatur . Legimus apud Cicer . Verr . 3. 66. Non reprehendo , quod scripsit Accensus . Cur enim sibi hoc Scribæ soli assumant ? Denique quod Accensum habuerint non tantum Consules , & Prætores , verum quoque Decuriones , & Centuriones , testis est Varro , de vit . pop . Rom . 1. apud Non . 12 . 8. cum erant attributi Decurionibus , & Centurionibus , qui corum habebant numerum , Accensi vocantur .

Et